

**Naalakkersuisunut apequt: Timmisartorsuit nunanit allaniit nunarput qulaallugu ingerlaartuartut, avatangiisinut akitsuummik akiliisinneqartalersinnaanerat Naalakkersuisunit qanoq isumaqarfigineqarpa, imaluunniit inatsisitigut qanoq periarfissaqarpa?**

(Inatsisartunut ilaasortaq Loritha Henriksen, Kattusseqatigiit Partiiat)

### **Akissuteqaat**

(Ineqarnermut, Attaveqarnermut Angallannernullu Naalakkersuisoq)

Inatsisartunut ilaasortaq Loretha Henriksen, Kattusseqatigiit Partiiat, timmisartut nunanit allaniit Kalaallit Nunaat qulaallugu ingerlaartartut avatangiisinut akitsuummik akiliisinneqartalersinnaanerat imaluunniit inatsisitigut qanoq periarfissaqartoqarnersoq pillugu apeqquteqarpoq.

Aallarniutigalugu akitsuusiisalernissami pissusilersornerit nukissiornermut silallu pissusaanut illersuinerup tungaanut sangutinneqarnissaat siunnerfigineqarpat, akitsuusiisinnaaneq Naalakkersuisut ammaffigaat.

Silaannakkut angallanneq tupinnanngitsumik killissanik qaangiiffiusarpoq. Innuttaasunik nunat akornanni silaannakkut angallassisinnaanissamut, nunat tamat akornanni angallassinert annertunersaat isumaqatigiissutit maleruagassallu aqqutigalugit maleruagassiorneqarsimapput. Maleruagassat FN-imi silaannakkut angallassinermut suleqatigiiffimmit, aammattaaq ICAO-imik taaneqartartumit suliarineqartarput. Taamaattumik nunarsuarmi nunat tamarmik akornanni innuttaasunik silaannakkut angallassinermi suut tamangajaasa pillugit suleqatigiinnermik ataqatigiilluartumik ineriartortitsisoqarsimavoq.

Nunat tamat akornanni isumaqatigiissutit – soorlu Chicago-mi isumaqatigiissut 1944-meersoq – isumaqatigiissutillu allat nunat allat qulaavaallugit timmisartorsinnaanerumut maleruagassiuffiupput pisinnaatitaaffiliillutillu.

Kisiannili silaannakkut angallassinermut suliassa qarfik Naalakkersuisut oqartussaaffiit toqqaannartumik ilaanngilaq. Silaannakkut angallassinermut suliassa qarfik tiguneqarsimannngillat, taamaattumillu danskit silaannakkut angallassinermut inatsisaat Kalaallit Nunaannut atuutsinneqarput. Kisiannili suliassa qarfimi danskit kalaallillu oqartussaasui pitsaasumik suleqatigiipput. Tassalu suliani Kalaallit Nunaannut tunngassuteqartuni tamatigut Kalaallit Nunaat tusarniaaffigineqartarpoq, taamatullu Naalakkersuisut suliassa qarfinni arlalinni aalajangiisnaatitaallutik.

Kalaallit Nunaat qulaallugu angallassinert ingerlanneqartarneri Naviair-imit isumagineqarput, aammalu Naviair-ip timmisartuussinermi paasissutissiisarneq isumagisaraa. Tamatuma saniatigut Kalaallit Nunaata silaannartaa sanimukaartunut aggugaavoq – aammalu portussutsinut, takissutsinut il.il. teknikkimut tunngassuteqartut tikinngikkaluarlugit tamanna Kalaallit Nunaata kujataata aamma Kalaallit Nunaata qeqqata assigaa. 63 30 N-ip kujataani

angallassinnermi sullissinikkut Canada-mit isumagineqarpoq aammalu 63 30 N qaangerlugu Islandimit isumagineqarluni.

Naviair-imut aningaasartuutit danskit naalagaaffiannit aningaasalersorneqarput, kiisalu Islandimut Canada-mullu aningaasartuutit sullissisunit akitsuusiinikkut, tassalu silaannakkut angallassiqatigiiffiit Imarpik qulaallugu Europap aamma Amerikap avannaata akornanni timmisartuussinnermut akitsuusiinerisigut aningaasalersorneqarput.

Silaannakkut angallassinnermut aningaasartuuteqartarnerup saniatigut aamma silasiorfinnut aningaasartuuteqartoqartarpoq. Silaannakkut angallassinnerit iluanni silasiornerit Mittarfeqarfinit, aningaasartuutitut taakkununga matussusiisartunit isumagineqarput. Radiosonde-t atorlugit sullissinnerit Danmarkshavn-imiit aamma Prins Christianssund-imiit ingerlanneqartut International Civil Aviation Organization (ICAO) Joint Finance-mit aningaasalersorneqarput.

Naviair-imut aammalu silasiornermi annertuumut aningaasartuutit nunat tamat akornanni isumaqatigiissutit tunngavigalugit tapiissutitigut akitsuutitigullu aningaasalersuisoqarmat, Kalaallit Nunaata timmisartuussinikkut qulaavaaneqarneranut akitsuutinik nutaanik akiliisitsisinnaanermut Kalaallit Nunaat danskit naalagaaffiannut qinnuteqarsinnaanngilaq. Aamma nalunngisat malillugit naalagaaffiit allat qulaavaaneqarnerminni avatangiisinut akitsuusiisimangillat aammalu atuutsitsilernissamik eqqarsaateqaratik.